

Alkitab Sagan Kakanakan

Mengenal akan



Kalahiran Gereja



Panulis: Edward Hughes

Nang manggambar: Janie Forest
Alastair Paterson

Nang manyusun: Ruth Klassen

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org


©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.



Pas Yesus mati, pangikut-pangikutNya ketakutan buhannya manyambunyiakan diri. Sasudah Yesus bangkit matan kamatian, Inya manunjukakan diriNya ka murid-muridNya. Yesus hidup! Tapi, Yesus barencana hagan maninggalakan buhannya hagan tulak ka surga diman Inya salalu badiam lawan Tuhan, AbahNya.





Sabalum
Inya
tulak,
yesus
bajanji
ka buhan
pangikutNya
Inya
pacangan

mangirimakan Ruh matan
Allah hagan jadi panghibur
lawan panulung. (Yohanes
15-26). Waktunya sudah parak! Babarapa hari
sasudah Yesus tulak, Allah Ruh Kudus datang.



Dan tajadilah. Sakitar 120 pangikut Yesus pas badua basama dalam sabuah rumah. Tiba-tiba, rumah ngintu hibak lawan suara tiupan angin gancang.



Lidah-lidah api datang atas masing-masing urang.
Buhannya samunyaan dihibaki lawan Ruh Kudus, kaya
nang dijanjikan Yesus!



Di luar di jalan, murid-murid Yesus bapandir dalam bahasa nang kada suah buhannya palajari sabalumnya. Urang-urang asing nang bakunjung mandangar murid-murid ngintu bapandir tantang gawian-gawian Tuhan nang luar biasa dalam barbagai-bagai bahasa,

Pangunjung-pangunjung ngintu marasa hiran, "Napa artinya ngini?" buhannya batakun.

"Buhannya mabuk ulih anggur," urang lain manyindir.



Tapi Petrus manjawab, "Urang-urang ngini kada mabuk ... ngintulah nang difirmanakan Allah lawan parantaraan nabi Yoel ..." Petrus imbah mangingatakan buhannya pacangan barkat lawan partulungan ngintu.



Petrus baucap ka urang-urang ngintu buhannya harus batubat matan dusa buhannya lawan dibaptisakan dalam ngaran Yesus Kristus. "...lawan handaklah ikam masing-masing mambari diri dibaptis dalam ngaran Yesus Kristus. ...maka ikam manarima karunia Ruh

Kudus," Petrus manjawab.

A stylized illustration of a crowd of people, represented by grey silhouettes of heads and shoulders, arranged in two rows. The crowd is positioned above a large, light grey rectangular area that contains the number 3000.

3000



Sakitar talu ribu urang manaatinya. Buhannya bagabung lawan murid-muridNya sabagai pamuji Yesus. Tiap hari jumlah buhannya batambah lawan gereja dimulai pas hari dimana Ruh Kudus turun.

A stylized illustration of a crowd of people, represented by grey silhouettes of heads and shoulders, arranged in two rows. The top row consists of smaller silhouettes, and the bottom row consists of larger silhouettes. The crowd is positioned at the top of a light grey rectangular area.

3000



Ruh Kudus mambawa kuasaNya kadalam hidup umat Tuhan. Pas hari ngintu, petrus lawan Yohanes tulak ka dalam baik Allah lawan pas ngintu parak waktu sambahyang. Saurang lumpuh duduk di parak lawang garbang luar. Inya maminta duit ka Petrus lawan Yohanes.





Imbah Petrus manjawab, "Amas lawan pirak kada ada lawan aku, tapi napa yang kupunyai, kubariakan ka ikam: Dalam ngaran Yesus Kristus, urang Nazaret ngintu, bajalanlah." Imbah inya mamingkuti tangan kanan urang itu lawan manganii inya badiri. Jadi urang lumpuh ngintu malumpat, badiri lawan bajalan masuk basama buhannya - bajalan, malumpat lawan mamuji Tuhan.



Urang banyak
bakumpul basama,
kagum lawan mujizat
ngintu. Petrus baucap
ka buhannya ngintu
adalah kuasa Tuhan,
lain inya saurang,
lawan manyambuhakan
urang lumpuh ngintu.




Pas Petrus maingatakan urnag-urang Yahudi amun
Yesus bangkit, pamimpin bait Allah sarik banar
mangkap petrus lawan Yohanes lawan mamasukakan


buhannya ka dalam panjara.
Kayaapa pun, sakitar 5000
urang parcaya ka Yesus.



Isuknya, Petrus lawan Yohanes badiri di muka panguasa Bait Allah. "Lawan kuasa manakan atawa dalam ngaran siapakah ikam batindak damikian ngintu?" Hibak lawan Ruh Kudus, Petrus manjawab lawan wani.



"...Dalam ngaran Yesus Kristus urang Nazaret, nang ikam salibakan, tapi nang sudah dibangkitakan Allah matan urang mati, amun ulih Yesus itulah urang ngini badiri lawan sihat wahini di muka ikam."



Petrus malanjutakan, "...di bawah kulung langit ngini kada ada ngaran lain nang dibariakan ka manusia nang ulihnya kita dapat disalamatakan." Ulih kada handak urang-urang parcaya ka Yesus, pamimpin-pamimpin manangati lawan karas ka Petrus lawan Yohanes. "Mulai wahini jangan ikam bapandir ka siapapun dalam ngaran Yesus."





Petrus suah
marasa takut
hagan badiri
lawan bapandir
bagi Yesus. Tapi
ngintu tajadi
sabalum Ruh
Kudus datang.
Wahini kada ada
saurangpun nang
kawa maulah
inya takut.



Petrus lawan Yohanes manjawab, "Silahkan ikam




putusakan saurang
mana nang bujur
di hadapan Allah:
taat ka ikam
atauwa taat ka
Allah. Ulih kada
mungkin bagi
kami hagan kada
baucap tantang
napa nang sudah
kami lihat lawan
nang sudah kami
dangar."



Sasudah mangancam lawan karas, pamimpin-pamimpin ngintu malapasakan Petrus lawan Yohanes. Palayan-palayan Tuhan nang wani ngintu baucap ka kawan-kawannya sagala sasuat nang tajadi lawan buhannya di panjara lawan pangadilan.



Imbah
buhannya
mangadakan
sabuting partamuan
dua lawan pujian
nang ganal. Lagi,
Ruh Kudus mahibaki
umatNya lawan
kuasa lawan gereja
halus makin tumbuh
lawan tumbuh.



Kalahiran Gereja

Sabuting kisah matan Firman Tuhan, Alkitab

Taulih dalam

KPR 1-4

"Amun tabuka, firman-firmanPian mambari pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

